

Servizo de
CONTRATACIÓN

CONCELLERÍA
DE
CONTRATACIÓN

CONCELLO
DE VIGO



A Xunta de Goberno Local, na sesión ordinaria do 27 de outubro de 2022, adoptou o seguinte acordo:

3.- PROPOSTA DE ADXUDICACIÓN DA CONTRATACIÓN DO SERVIZO DE CATERING PARA RECEPCIÓNS E EVENTOS INSTITUCIONAIS DO CONCELLO DE VIGO: LOTES 3, 4 E 7. EXPTE. 19157/101.

Visto o informe de fiscalización do 25/10/2022, dáse conta da proposta da Mesa de Contratación realizada o 20/10/2022, que di o seguinte:

11.- Propostas de adxudicación

a) Procedemento aberto para a contratación do servizo de catering para recepcións e eventos institucionais do Concello de Vigo (19.157-101) (lotes 3, 4 e 7)

LEXISLACIÓN APLICABLE

- Lei 9/2017, do 8 de novembro, de contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014
- Real decreto 817/2009, de 8 de maio, polo que se desenvolve parcialmente a Lei 30/2007, de 30 de outubro, de contratos do sector público (RLCSP)
- Real decreto 1098/2001, de 12 de outubro, polo que se aproba o regulamento xeral da Lei de contratos das Administracións Públicas (RLCAP), no que non se opoña ao Real decreto legislativo 3/2011
- Prego de cláusulas administrativas particulares que rexe o procedemento aberto para a contratación do servizo de catering para recepcións e eventos institucionais do Concello de Vigo (19.157-101) (lotes 3, 4 e 7)

ANTECEDENTES

Primeiro.- Con data do 18 de agostos de 2022 a Xunta de Goberno local, acordou:

"Primeiro.- Declarar a urxencia da tramitación do procedemento aberto do servizo de catering para recepcións e eventos institucionais do Concello de Vigo. Expediente 19157-101.

Segundo.- Aprobar o expediente de contratación por procedemento aberto do servizo de catering para recepcións e eventos institucionais do Concello de Vigo que contén o prego de prescricións técnicas particulares de data 11 de agosto de 2022 asinado pola Xefa da Unidade Administrativa de Alcaldía, e o prego de prescricións administrativas particulares de data 17 de agosto de 2122, asinado pola Xefa do Servizo de Contratación.

Terceiro .- Autorizar un gasto polo importe da licitación 110.149,68 € (co ive incluído) sendo o importe do 10% de ive 10.013,61 €. Sendo a única anualidade do 1 de outubro de 2022 ao 30 de setembro de 2023. Sendo a única anualidade para cada



Copia do documento - Concello de Vigo	Data impresión: 28/10/2022 11:00	Páxina 1 de 5
19157-101	CSV: A3A8B9-32CHDC-328H5F-47H8UJ-CTT2DY-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

lote a seguinte: LOTE 1 Ano 2022: 2.635,14 € / Ano 2023: 7.905,50 €; LOTE 2 Ano 2022: 3.293,94 € / Ano 2023: 9.881,86 €; LOTE 3 Ano 2022: 3.293,94 € / Ano 2023: 9.881,86 € LOTE 4 Ano 2022: 4.611,51 € / Ano 2023: 13.834,61 €; LOTE 5 ano 2022: 9.881,85 € / Ano 2023: 29.645,55 €; LOTE 6 Ano 2022: 3.162,18 € / Ano 2023: 9.486,58 €; LOTE 7 Ano 2022: 658,77 € / Ano 2023: 1.976,39 €

Este gasto podería tramitarse con cargo á aplicación orzamentaria 912.0.226.01.00 (Gastos Órganos de Goberno) dos orzamentos de Alcaldía ou a súa bolsa de vinculación.

Cuarto.- Abrir o procedemento de licitación na forma legalmente prevista”.

Segundo.- A concelleira delegada de Contratación, por delegación da Xunta de Goberno local (acordo do 20 de xuño de 2019), o 5 de outubro de 2022 adoptou a seguinte resolución:

“xcluir deste procedemento aos seguintes licitadores, por conter as súas ofertas valores anormais ou desproporcionados, sen que se tivesen xustificadas, ben porque non presentaron xustificación ningunha en prazo ou porque non se cumpren os requisitos para consideralas xustificadas consonte o informe da xefa do Departamento de Alcaldía do 28 de setembro de 2022:

1. GRUPO ZAKA RESTAURACIÓN (Lotes 3 e 7)
2. PANADERÍA EL TRIGAL CELTA (Lote 4)

Segundo.- Clasificar, de acordo cos criterios de adxudicación sinalados no prego, as proposicións admitidas neste procedemento aberto para a contratación do servizo de catering para recepcións e eventos institucionais do Concello de Vigo (19.157-101) na seguinte orde descendente:

- LOTE 3 SERVIZO DE CATERING PARA APERITIVO OU CÓCTEL CON DOCES

Orde	Licitadores	Puntuación total
1	LUCIMARCA, S.L	30,00
2	PANADERIA EL TRIGAL CELTA	00,00

- LOTE 4 SERVIZO DE CATERING PARA VINO ESPAÑOL

Orde	Licitadores	Puntuación total
1	GRUPO ZAKA RESTAURACIÓN	100,00
2	LUCIMARCA, S.L	14,32

- LOTE 7 SUBMINISTRO DE AUGA EMBOTELLADA PARA ACTOS, EVENTOS E REUNIÓN

Orde	Licitadores	Puntuación total
1	LUCIMARCA, S.L.	100,00

Terceiro.- Requirir ao licitador clasificado en primeiro lugar, LUCIMARCA, S.L. (lotes 3 e 7) (B-66.000.498) e GRUPO ZAKA RESTAURACIÓN, S.L. (lote 4) (B-27.847.508),



Copia do documento - Concello de Vigo	Data impresión: 28/10/2022 11:00	Páxina 2 de 5
19157-101	CSV: A3A8B9-32CHDC-328H5F-47H8UJ-CTT2DY-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

para que presenten, no prazo de cinco días hábiles, a contar desde o seguinte a aquel no que reciban o requirimento, a seguinte documentación (artigo 150.2 LCSP):

1. Declaración responsable de non estar incurso en prohibición de contratar.
2. A documentación esixida nas cláusulas 8 e 22 do prego de cláusulas administrativas particulares (PCAP).
3. Resgardo da garantía definitiva esixible de acordo co disposto na cláusula 24 do prego de cláusulas administrativas particulares.

Dado que GRUPO ZAKA RESTAURACIÓN, S.L. xa presentou documentación para os lotes 1, 2, 5 e 6 nos que resultou clasificado en primeiro lugar, unicamente deberá presentar a garantía definitiva e o nomeamento do delegado deste lote conforme ao modelo do Anexo IV do PCAP)."

Terceiro.- Esta resolución foi notificada aos licitadores clasificados en primeiro lugar, nos respetivos lotes, LUCIMARCA, S.L. (lotes 3 e 7) e GRUPO ZAKA RESTAURACIÓN, S.L. (Lote 4), o día 6 de outubro de 2022. LUCIMARCA, S.L. presente documentación dentro do prazo concedido o 14 de outubro de 2022, complementando a mesma con documentación presentada, rematado o prazo, o día 18 de outubro de 2022. Pola sua parte, GRUPO ZAKA RESTAURACIÓN, S.L., realiza transferencia para a garantía definitiva en prazo o día 6 de outubro de 2022 e, unha vez rematado o prazo, presenta o Anexo IV do PCAP o día 19 de outubro de 2022.

Cuarto.- A Mesa de Contratación na sesión do 20 de outubro de 2022 admitiu a documentación presentada en base ao criterio sostido polos tribunais de recursos contractuais que defende a posibilidade de emenda desta documentación (entre outras, Resolución nº 806/2019, do 11 de xullo, do Tribunal Administrativo Central de Recursos Contractuales) e considerouna correcta, polo que acordou, por unanimidade dos membros presentes, propoñer ao órgano de contratación a adxudicación deste procedemento.

FUNDAMENTOS XURÍDICOS

Primeiro.- A nosa lexislación contractual impón ao órgano de contratación a obriga de adxudicar o contrato dentro dos cinco días hábiles seguintes á recepción da documentación. O acordo de adxudicación deberá ser motivado, notificarase aos licitadores e, simultaneamente, publicarase no perfil de contratante no prazo de quince días (artigo 151.1 LCSP).

Recibida tanto a documentación presentada polo licitador clasificado en primeiro lugar GRUPO ZAKA RESTAURACIÓN, S.L. para o lote 4 e LUCIMARCA, S.L. para os lotes 3 e 7, como a solicitada de oficio pola Administración municipal e, comprobado que esta é correcta, procede adxudicar este contrato.

Segundo.- A competencia para formular a proposta de adxudicación ao órgano de contratación correspóndelle á Mesa de Contratación. A proposta realizarase a favor do licitador que teña presentado a mellor oferta, de conformidade coo disposto no artigo 145, segundo proceda de conformidade co prego de cláusulas administrativas particulares que rexa a licitación.

A oferta máis vantaxosa para a administración contratante é a formulada por GRUPO ZAKA RESTAURACIÓN, S.L. para o lote 4 e a formulada por LUCIMARCA, S.L. para os



Copia do documento - Concello de Vigo	Data impresión: 28/10/2022 11:00	Páxina 3 de 5
19157-101	CSV: A3A8B9-32CHDC-328H5F-47H8UJ-CTT2DY-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

lotes 3 e 7, de acordo co informe de valoración das proposicións avaliadas mediante fórmula de data 28 de setembro de 2022.

Terceiro.- A competencia para a resolución deste expediente correspóndelle á Xunta de Goberno local (apartado 4 da disposición adicional segunda da LCSP), na súa calidade de órgano de contratación.

En base ao que antecede, propónse á Xunta de Goberno local como órgano de contratación, en uso das facultades que lle confire a lexislación vixente, a adopción do seguinte acordo:

“Primeiro.- Adxudicar a LUCIMARCA, S.L. (B-66.000.498) os lotes 3 e 7 do procedemento aberto para a contratación do servizo de catering para recepcións e eventos institucionais do Concello de Vigo (19.157-101) coas seguintes condicións:

- LOTE 3: Servizo de catering para aperitivo ou cóctel con doces

a) O prezo máximo do lote é de 13.175,80 euros, sendo a cota correspondente ao IVE de 1.197,80 euros, cun prezo unitario de 13,00 euros.

- LOTE 7: Subministro de augas embotellada de 500 ml para actos, eventos e reunións

a) O prezo máximo do lote é de 2.635,16 euros, sendo a cota correspondente ao IVE de 239,56 euros, cun prezo unitario de 0,25 euros.

Segundo.- Adxudicar a GRUPO ZAKA RESTAURACIÓN, S.L. (B-27.847.508) o lote 4 do procedemento aberto para a contratación do servizo de catering para recepcións e eventos institucionais do Concello de Vigo (19.157-101) coas seguintes condicións:

- LOTE 4: Servizo de catering para vino español

a) O prezo máximo do lote é de 18.446,12 euros, sendo a cota correspondente ao IVE de 1.676,92 euros, cun prezo unitario de 16,23 euros.

b) Incrementa o número mínimo de variedades de produtos (7 variedades segundo a cláusula 8. B. lote 4 do PPTP) en 4 unidades

c) Incrementa o número de bocados doces por persoa (2 bocados) segundo a cláusula 8. B. lote 4 do PPTP en 3 unidades

Todo iso de acordo cos pregos de prescricións técnicas e de cláusulas administrativas particulares aprobados por acordo da Xunta de Goberno e a oferta presentada.”

ACORDO

A Xunta de Goberno local aproba a proposta contida no precedente informe.

O que comunicamos para coñecemento xeral e demais efectos, informando que contra a anterior resolución poderá interpoñerse recurso contencioso-administrativo



Copia do documento - Concello de Vigo	Data impresión: 28/10/2022 11:00	Páxina 4 de 5
19157-101	CSV: A3A8B9-32CHDC-328H5F-47H8UJ-CTT2DY-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

perante o Xulgado do Contencioso-Administrativo no prazo de dous meses, contado desde o día seguinte ao de publicación de este anuncio.

Alternativamente, poderá interpoñerse, con carácter potestativo, recurso especial en materia de contratación ante o "Tribunal Administrativo de Contratación Pública da Comunidade Autónoma de Galicia" no prazo de quince días hábiles contados a partir do seguinte ao de publicación de este anuncio.

A presentación do escrito de interposición poderá efectuarse nos lugares establecidos no artigo 16.4 da Lei 39/2015 de 1 de outubro, do Procedemento Administrativo Común das administracións públicas así mesmo poderá presentarse no rexistro do órgano de contratación (Rexistro Xeral do Concello de Vigo) ou no rexistro do "Tribunal Administrativo de Contratación Pública da Comunidade Autónoma de Galicia".

O enderezo web do "Tribunal Administrativo de Contratación Pública da Comunidade Autónoma de Galicia" para a presentación do recurso é:

<https://tacgal.xunta.gal/procedementos.html>

De non presentar recurso especial en materia de contratación, a partir do día **21 de novembro de 2022** remitiráselle o contrato ao adxudicatario para a súa sinatura dixital.

Os informes e documentación que motivan esta adxudicación poden consultalos no seguinte enderezo web:

https://contrataciondelestado.es/wps/poc?uri=deeplink:detalle_licitacion&idEvl=RMCgwh66cI2XQV0WE7IYPw%3D%3D

Se publica anuncio no Perfil de Contratante do concello de Vigo para os efectos sinalados na cláusula 9 do prego de cláusulas administrativas particulares ("As notificacións practícaranse por medios electrónicos o mesmo día da publicación do seu contido no perfil de contratante. Cando nelas se sinale algún prazo para a práctica dalgunha actuación polo destinatario, este computarase desde a data de publicación no perfil de contratante"), ao abeiro do previsto na disposición adicional 15ª da Lei 9/2017, do 8 de novembro, de contratos do Sector Público.

A xefa do Servizo de Contratación (por delegación-resolución 31.08.2022).- Beatriz Barbará Rodríguez



Copia do documento - Concello de Vigo	Data impresión: 28/10/2022 11:00	Páxina 5 de 5
19157-101	CSV: A3A8B9-32CHDC-328H5F-47H8UJ-CTT2DY-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		